

**Pa:** Kumité di Skola

**Di:** Superintendenti Brenda Casselius

**Data:** 23 di Febreru di 2021

**Assunto:** Pulitika di Partilha di Infurmason di menbrus di Grupu di Trabadju

Objetivu des memurandu e atualiza menbrus di Kumité di Boston School sobri statutu di grupu di trabadju izijidu a abrighu di Pulitika relativu a Preparason y Partilha di Relatorius di Insidentis ku Alunus y Otus Infurmason sobri alunus ku Dipartamentu di Pulisia di Boston (BPD).

### **Kontextu**

[Pulitika](#), ki foi aprovalu pa unanimidadi pa Kumite Skular na si riunion di 16 di Setenbru di 2020, ta sulisita ki Superintendenti di Boston Public Schools (BPS) "kria un Grupu di Trabadju sobri Seguransa Skular (Grupu di Trabadju) inkaregadu di kontinua ta diskuti kestons relasiunadu ku es pulitika, resebi relatorius di Superintendenti sobri implementason des pulitika pa Distritu, y fazi Kumité Skular rekumendasons."

### **Menbru**

Di akordu ku pulitika, Grupu di Trabadju ta bai ser konpostu pa 12 menbru, reprezentandu siguintis grupu: (i) un studanti di BPS, nomiadu opa imigrason, un advogadu pa juventudi kumunitairu organizadu na (vi) di baxu, ku prifirensia na da studanti ki ta bai skola y tem xperiensia na grandi volumi di prison o rilatoriu di insidentis; (ii) um pai o guradion skodjedu pa Konselhu Tutelar Citywide; (iii) un membro di Boston Special Education Parents Advisory Council (SpEdPAC); (iv) un prufisor skodjedu pa Boston Teachers Union (BTU); (v) un líder skular, asistenti principal o direktor dun skola ku assinaturakomu funksionariu di Sirvisus di Siguransa, skodejdu pa superintendenti; (vi) un ripräsentanti di imigraso, joven, un adivogadu skodjedu pa Kumunidadi Skular; (vii) un ripräsentanti di xkriteriu di falhas di upurtunidades di BPS; (viii) un ripräsentanti di xefi di ikpia di xkriteriu sentral ripräsentanti di konselhu adiministrativu di Skola na kodig di conduta; (ix) um ripräsentanti di Dipartamentu di Sirvisus di Siguransa; (x) un algune, ki ka funksionariu di Cidadi di Boston, ma spicialista na inforsamentu di lei y lei di siguransa skular, skodjedu pa Kumite di Skola; y (xi) dos ripräsentatis di



superintendenti ki ta trabadja ku grupu di dados studantil( rikumendadu pa sis pulitika) nomiadu pa grupou di trabadju.

Menbrus di Grupu di Trabadju partisipa na dos seson di orientason na Segunda y Tera fera, 8 y 9 di Fevrueru, undi es analiza pulitika, es analiza enkargu di grupu di trabadju, es diskuti kalendariu di futurus reunion y es aborda purguntas di menbrus. Primeru reunion sta markadu pa kuarta fera, 3 di Marsu kun segundu reunion planiadu pa Junhu.

### **Menbrus di Grupu di Trabadju**

**Devren Edouard** e un alunu di Boston Green Academy, atleta studantil y reprezentanti di Konsehu Konsultivu di Alunus di Boston (BSAC). Devren e menbru di un subkumité di klima, kultura y melhuria di BSAC fokadu na kestons ki ta inklui pulitika di partilha di infurmason di alunus y relason entri BPS, BPD, y aplikason di Lei Federal.

**Josiehanna (Josie) Colon** e aluna di Skola Sekundariu y kapitã di ikipa di debati. El e tanbe un reprezentanti studantil di BSAC.

**Suleika Soto**, Organizadora di Pais di Boston Education Justice Alliance, e mai di dos alunu di BPS, Mykaela ki ta frikuenta TechBoston Academy y Jazmyn ki sta na Blackstone Elementary. Sr<sup>a</sup> Soto frikuenta Sumner Elementary dispos ke txiga Boston pruvienti di Republika Duminikanu ku seti anu di idadi, y e forma na antigu Dorchester High School. El e menbru di Konsehu di Pais di Blackstone School y di School Site Council, y e foi resentimenti ileitu ko-prezidenti finanseru di Konsehu di Pais di Sidadi.

**Jack Sinnott** e antigu prezidenti y atual menbru di Konsehu Konsultivu di Pais di Idukason Spesial (SPEDPAC), y el e pai di tres kriansa ku IEP (un autista y dos ku ADHD). Trabadju di Sr. Sinnott en nomi di kumunidade di Nesesidadis Spesial kumesa na verons di voluntariadu di ensinu mediu y sekundariu komu tutor pa kriansas ku defisiensias di leitura y komu asistenti di iventus na Jogus Olimpiku Spesiais di NYC. Sr. Sinnott forma na Millbrook School y cum laud di Universidad di Boston. E fazi tanbe parti di Grupu di Trabadju di Pulitika di Autismu di Prezidenti di Kamara Menino.

**Nora Paul-Schultz** e profesora di Fizika na skola di Matematika y Siensias John D. O'Bryant School. Pa alen de inxina Fizika y Fizika di Kulukason Avansadu C, e konselheira di klubi pa Kapitulu di Muvimentu Studantil Imigranti (SIM) na O'Bryant, di Asusiason di Studentis y Aliadus Musulmanu y PRIMERU ikipa di Robotika. El e un di lidere di Idukadoris Destemidu (Unafraid Educators), kumité organizador di direitus di imigrantis di BTU.

**Terrance Johnson**, Diretor Asistenti di Vocational Technical High School, e un prudutu orgulhozu di BPS y e graduadu na Madison Park Technical Vocational High School (Skola Sekundariu Tekniku Vukasiunal). E obtevi si diploma di Baxarelatu na Cambridge College y un

mestrado na Idukason Spesial na Universidadi di Massachusetts, Boston. Desdi 2014 e ten stadu inpenhadu na obtenson di si dotoramentu. Du mesmu skola. Au longu di sis 26 anu na BPS, senpri e insisti nun skularizason urbanu seguru, ikitativu y sustentavel, dirubandu sistemas di dezigualdadi na idukason. E sta interesadu nes grupu di trabadju spesifiku pamodi e sabi ma rezultadus tanjivel ta okori atraves di mudansas di pulitika.

**Harold L. Miller, Jr.** e atualmenti Superintendenti Asistenti Interinu na Office of Opportunity Gaps (Gabineti di Lakunas di Opurtunidades) di BPS y e ten servidu BPS desdi 2001. Sr. Miller ten trabadjadu na Office of Opportunity Gaps desdi 2016 y e ten dadu kontribuisons nutavel a tudu distritu au longu di si kareira. Sr. Miller e atualmenti responsavel pa dizenvolvimentu y implementason di pulitika a nivel di sistema, aprendizajen profisiunal y coaching, ben komu pa un prugramason inuvador. Na si funson anterior komu Diretor Senior di Pulitika & Transformason Distrital, Sr. Miller djuda ta dizenvolvi Sistema di Muniturizason di Metas di Opurtunidades y Rializasons y e jeri Pulitika di Lakunas di Opurtunidades & Rializason, undi e konsulta kuazi tudu gabineti distrital y varius skola.

**Dacia Campbell** ta atua komu Superintendenti Asistenti di apoio a skolas primariu na Divizon di Responsabilidadis di BPS. E sta interesadu na trabadja na grupu di trabadju izijidu pa Pulitika di Preparason y Partilha di Relatorius di Insidentis di alunus y Otus Infurmason di Alunus ku BPD, pamodi e kre garanti ki BPS sa ta implementa pulitika kuretamenti y ta apoia alunus, prutejendu si privasidadi y nau ta apoia kanal di skola pa prizon.

**Neva Coakley-Grice** ta atua komu Xefi di Servisus di Seguransa di BPS. Xefi Neva Coakley-Grice foi uniku mudjer afro-amerikanu na Forsa di Ataki a Viulensia Juvenil y e foi un di unikus mudjeris lider na anbitu di Operason Homefront, rekunhesidu a nivel nasiunal, ben komu di Operason Sesa-Fogu, Operason Lus Noturnu y di Prugrama di Rientrada di Dipartamentu di Servisus di Juventudi - tudu konponentis-xavi di infoki di Sidadi di Boston na stabelesi un ligason mas ifikas ku kriansas y adulesentis. E lidera tanbe kordenason di Prugrama RISE y Prugrama di Dia di Camp Frank A. y e foi porta vos di tres Kumisariu di Pulisia di Boston. Na 2019, Xefi Coakley-Grice resebi prestijiozu premiu Spirit of MAWLE, (Premiu di Menturia di Asusiason di Mudjeris Pa aplikason di Lei di Massachusetts - Massachusetts Association of Women in Law Enforcement). Mas resentimenti, Xefi Coakley-Grice trabadja na resen-furmuladu gabineti di Konprumisu Kumunitariu (Bureau of Community Engagement).

**Valeria do Vale, Kordinadora Prinsipal di Muvimentu Studentil Imigranti**, imigra di Brazil ku si familia kantu e tinha seti anu di idadi y e rezidi na Boston na maior parti di si vida. E involvi na muvimentu di imigrason duranti si primeru anu di ensinu mediu y e organizadora di Muvimentu di Alunus Imigranti, ta trabadja en prol di justisa y di asesu a ensinu superior pa pesoas di kor. El e formadu pa John D. O'Bryant High School.

**Elizabeth Badger** e advugada Senior di PAIR y e ta jeri inisiativa di Asesu a Justisa pa Familias Imigrantis. Elizabeth resebi si J.D. di Fakultadi di Direitu di Universidadi di Boston y e resebi si

B.A., di Dartmouth College. Dipos di Fakultadi di Direitu e trabadja komu asesora juridiku di Imigrason na Segundu Tribunal di Rekursus di Sirkunskrison. Elizabeth trabadja na lei di imigrason pa mas di un dekada, fokandu na reprezenta kriansas non-sidadon, rekerentis di azilu, vitimas di krimis y pesoas en detenson prulongadu pur mutivus di imigrason.

### **Grupu di Trabadju Sobri Seguransa Skular Numiadu pa Kumité Skular di Boston**

**Angelica Martinez** ta akumula dos peloru na (Konselhu Kumunitariu Ikumeniku di Boston Oriental) East Boston Ecumenical Community Council (EBCC). El e Kordinadora Juvenil pa Aspirantis, undi el e responsavel pa kordenason, dizenvolvimentu y implementason di prujetus ki ta integra rekursus, aprendizajen y teknulujia infurmatiku/dijital na atividadis di programa. Superviziona operasons kuotidianu di laboratoriu di infurmatika y partisipa di otus programason pa jovens, sta na anbitu di si trabadju. Komu Profesora di ESL, e ta inxina ESL nivel III. Angelica teni un baxarelatu na Belas Artis, Storia di Arti, y Pintura di Mass College of Arts & Design (Skola di Artis & Design di Mass), Boston. E resebi Premiu di Eselensia na Storia di Arti di 2017, y el e spesialisista na Antiguidadi di Orienti Mediu, alen di kunhesimentus komplementar sobri Arti y Kultura di Japon, Mezoamerika, Italia. El e fluenti na ingles y spanhol y e teni kunhesimentu pratiku di italianu.

**Georgina Orellana** e un aluna junior na East Boston High School y rezidenti na East Boston.

**Javier Flores** e sosiu-herenti di skritoriu di Dinsmore na Boston. E teni un speriensia diversifikadu na letijius reprezentandu klientis na kestons kumersial kompleksu, inkluindu viulason di kontratus, asons kuletivu y reklamason sobri pratikas kumersial deslial. Pa alen di kela, Javier representa ku susesu, enprezas en tod u país, na kazu katastrofiku di lezons, inkluindu responsabilidadi pa prudutus, responsabilidadi prufisiunal y responsabilidadi jeral. Javier izersi txeu kargus di lideransa na organizasons juridiku y siviku, inkluindu na sei di Orden Nasiunal Spaniku di Advugadus. E menbru di Konsehu di Administrason di Inquilinos Boricuas en Acción y resentimenti e fazi parti di Konsehu di Administrason di Massachusetts Association of Hispanic Attorneys. Alen disu, Javier foi menbru di Konsehu di Lideransa sobri Diversidadi di Litijius di 2017, y e menbru di Forsa Tarefa sobri Diversidadi di Orden di Advugadus di Massachusetts.

<b>Nomi</b>	<b>Organizason</b>	<b>Menbrus deliniadu na Pulitika</b>
Devren Edouard, Alunu	Academia di Boston Green	un alunu di BPS, numiadu pa organizason di defeza di imigrason, di juventudi o di kumunidadi referidu na (vi) abaxu, ku preferensia pa un alunu ki ta frikuenta un skola ki storikamenti sufri

		un ilevadu numeru di detenson o di Relatorius di Insidentis
Josiehana Colon, Alunu	New Mission High School	un alunu di BPS, numiadu pa organizason di defeza di imigrason, di juventudi o di kumunidadi referidu na (vi) abaxu, ku preferensia pa un alunu ki ta frikuenta un skola ki storikamenti sufri un ilevadu numeru di detenson o di Relatorius di Insidentis
Suleika Soto, Organizadora di Pais	Boston Education Justice Alliance	(ii) un prujenitor o tutor skodjedu pa Konselhu di Pais di Sidadi
Jack Sinnott	Konselhu Konsultivu di Pais di Idukason Spesial	(iii) un menbru di Konselhu Konsultivu di Pais di Idukason Spesial di Boston
Nora Paul Shultz, Profesora di Fizika	Skola di Matematika y Siensias John D. O’Bryant	(iv) un profesor skodjedu pa Union di Profesoris di Boston (BTUD)
Terrance Johnson, Direktor Asistenti	Madison Park Vocational Technical High School	(v) un dirijenti skular, direktor asistenti o reitor di un skola kun funsiunariu di Servisus di Seguransa dezinadu, skodjedu pa superintendenti
*Georgina Orellana, Alunu *Angelica Martinez, Pesual	Konselhu di Kumunidadi Ikumeniku di Boston Oriental	un alunu di BPS, numiadu pa organizason di defeza di imigrason, di juventudi o di kumunidadi referidu na (vi) abaxu, ku preferensia pa un alunu ki ta frikuenta un skola ki storikamenti sufri un ilevadu numeru di detenson o di Relatorius di Insidentis
Harold Miller, Superintendenti Asistenti Interinu	BPS Office of Opportunity Gaps (Gabineti di BPS di Lakunas di Opurtunidadi)	(vii) un reprezentanti di BPS Office of Opportunity Gaps

Dacia Campbell, Superintendenti Asistenti	Divizon di Responsabilidadi di BPS	(viii) un representanti di ikipa lider operasiunal di BPS, o otu representanti di gabineti sentral di BPS ku responsabilidadadi di konsedja administradoris skular sobri Kodigu di Konduta
Neva Coakley-Grice, Xefi	Servisus di Siguransa di BPS	(ix) un representanti di Dipartamentu di Servisus di Seguransa di BPS
*Javier Flores, Parseru	Dinsmore	(x) un individu ke ka funsiunariu di Sidadi di Boston, ku kunhesimentus spesializadu na leis y regulamentus di aplikason di lei y seguransa skular, skodjedu pa Kunité Skular
Valeria Do Vale, Kordinador Prinsipal	Muvimentu Studantil Imigranti	(xi) un di dos representanti di grupu di trabadju sobri dadus di alunus di superintendenti (ki fazi rekumendasons sobri es pulitika) numiadu pa grupu di trabadju.
Elizabeth Badger, Advugadu Senior	Prujetu PAIR	(xi) un di dos representanti di grupu di trabadju sobri dadus di alunus di superintendenti (ki fazi rekumendasons sobri es pulitika) numiadu pa grupu di trabadju.

\*Numiadu pa menbrus di Kunité Skular